

鉅野縣志



序

昔江文通有言：作史之難，無出於志。鄭公茂夫深為謂志之大原起於爾雅，自班孟堅以志名，其書各史家率承班氏之舊，由來久矣。洪維我

鉅野縣志

卷之壹序

朝

命儒臣纂修一統志，炳鑄之，超越前古。各省通志外，下逮郡縣，莫不各有紀載。此非鋪陳鴻藻，揆撫乎率之謂。其謂彰往鏡來，褒貶為法，為教，青於

三乎在焉鉅野志書托於
於前明天啓年間呂令鵬
雪方令時仕至我

朝康熙熙戊子章令宏續修
之後閱今一百三十餘稔
矣雖規模猶具而字跡漫
漶不堪卒不續且此百三十

鉅野縣志

卷之首序

二

餘年中所有科目縉紳
忠孝節義文章功烈等
類遺佚既久湮沒必多及
今採訂已不免有和宋無
徵之憾倘過此以法更歷
年所勢必益以殘闕之舊
志而歸於焉有後即有

道達治體究心掌故者將行
繩緝而無從矣誰職其咎
而竟昧程子所謂第一義
耶維翰下車時良慨然有
重脩之志豫經費無出
而廣簿書旁午殺青
為難坐是困循不采卒

少年以來田穀順成同里
靜謐因集僚屬紳士而
商之咸同心協志踴躍資
襄凡有闕於風俗有裨
於政治者一皆採諸典論
準之鄉評並旁攷山
東通志曹州郡志各書



舊者正其斜，訛新者補其
闕畧。乙亥一歲，我志出公餘，手
訂懷鉛，搯紱，繫兩戎，以公。若
經水於道，先乙亥夏五越
明年冬月，歲事共得，若
平，老雖不敢謂空，無遠
憾，而要其夫，公夫慎，不被

不刻之心，固可以自信，豈可
與鄉。君子其居者也，且友
前事者，後事之師也。前事
者，後事之戒也。伏願覽斯
志者，官以表一邑，別當思
學道愛人之風，士以首四民
別當思非公不至之義，我為臣

忠忠為子思孝為弟思恭
為歸思順為友思信貧
夫廉而懦夫立行見邑
之薰法而善良感發而
真起者駭之乎日進於古
別斯志或不無小補耶
後之君子而古涵時採風

問俗知必有同采志而重
加編訂踵事增華一觀與
而夏昭隆痛者於以上之
程軒登諸

國史水要

昇平之令典而今日之東
華而書者三得藉以傳

亦朽焉別事其甚矣是為序
道光二十年歲次原予仲
冬月知鉅野縣事丁星沙
少棠氏黃維翰撰並書



此為試讀，需要完整PDF請訪問：www.ezangbook.com

夫志何法乎法太史而作者也太史何法乎法麟經而作者也知所以法太史又知所以法麟經斯可以語志矣麟獲於鉅野筆絕於麟經鉅野之志尤所當究心矣夫志也者志也識也志也者將以明其志也識也者將以識不忘也一以明其志於既往一以識不忘於將來作者之志如斯而已矣是故志縣鄙以昭沿革志分野以辨方位志城池以昭興廢志景蹟以昭形勝志學校以昭隆替志祠墓以昭常祀志風俗以昭好尚志祥瑞以昭靈異志食貨以昭貢賦志庸調以昭程度志官師

鉅野縣志

江序

以昭淑慝志科第以昭風聲志人牧以昭軌範志藝文以昭才術志時政以昭理亂斯志也首自禹貢而下至於漢唐宋逮我國朝中間天地否泰相禪之迹人事因革損益之宜大畧盡之矣誠博而有要文而有理也君子觀縣鄙之沿革也而忠君愛國之心生矣觀方位有定所也而安土敦仁之心生矣觀城池廢興之故而思患預防之心生矣觀地理形勝之迹而修德恃險之心生矣觀闕里之尊嚴而希聖希賢之志奮矣觀祠墓之森死而天明地察之敬凝矣觀地不受寶而中和位育之效期矣觀任土作貢而阜民豐財之政懋矣觀庸調

繁苛之困而用一緩二之矜切矣觀官師淑慝之分而思齊自省之念興矣觀風聲所樹之都而彰善癉惡之機勸矣觀藝文之高下而崇雅黜浮之習慎矣觀時政之隆汙而振蠱傾否之道見矣夫天時有生也地利有宜也人官有能也是皆所以承天之道達地之宜以成人官之能者也化而裁之存乎變推而行之存乎通神而明之存乎其人吾於斯志重有感焉

嘗讀周禮職方氏辨其邦國都鄙及財用男女畜穀之數要以周知其利害夫以周公之立政也既以燦若視掌洞如觀火猶退而稽政於職方秦越人之視病也必五臟激結洞見一方然後鑿石導引割皮解肌應手而效故世人稱曰周公善治治而越人善治病長令縮朝廷三尺之緩方寸之篆奔走人百里之內拊之則曰慈母虐之則曰破家其所寄非取小也書不云乎凡民剛柔緩急聲音不同繫水土之風氣好惡取舍動靜無常隨君上之情欲今以圭竇和首膏不諳事之夫而寄以

鉅野縣志

殷序

一同所謂未能登車而命之學御鮮不墜矣余筮仕得充之鉅野凜凜抱尹何之思乃考其文獻而故志存焉木幾蠹蝕而文亦豕亥夫前事之不忘後世之師也古者太史每於歲終吹律以聽四方風氣而諸侯于三歲悉陳詩貢俗矧茲志自嘉靖丙午之後四十四年之行事缺然無傳矣倘責予以亡羊予其奚辭且鉅野之迹著自獲麟其地固姬公太和之業所首被也士業已誦法周孔學古入官而授之以政不達則奚解乎俗儒之嘲古稱不善爲吏跡已成事余有味乎其言故於簿書繩墨之隙退而蒐諸史故牒訪諸遺老仍舊志而加倍焉

是舉也寧曰獲麟之遺抑亦續貂之業令繼今者知我
以舊令尹之政告爾

鉅野縣志

殷序

三

夫志本史而作而史乃又有名曰鑑蓋在事之紀今日
 之鑑也謂後世之觀是書者足以考見目前之得失也
 然則志非所以備後人之觀覽者耶觀之而有益於修
 身有益於治人則志為不虛矣鉅野孔子孟之鄉麟鳳之
 藪其中可紀載而垂法於後者有非他邑可比舊有志
 錄諸梓歲久字畫湮模不便省閱南畿華亭殷公舜石
 尹茲邑也通前任三載有奇善政既成業已報宏績於
 上矣公務之暇取舊志并其採羅邇年堪紀之事蹟人
 物續集而裁訂之再分別綱目欸類又逐類首末各發

鉅野縣志

馬序

一

其所以作之之義其間為大綱者五方輿也官師也版
 籍也人物也藝文也此誌之綱也方輿之類十官師之
 類五版籍之類三人物之類六藝文之類二此志之目
 也其有情節相似該載未詳者又類附於各目之下而
 於其舊則核者因之訛者正之濶者釐之無序者裒集
 之或更定之修飾編次俱有指歸大畧志方輿則根跡
 辨而政令可稽志官師則治教明而風俗淑美志版籍
 則民數在而法錯可憑人物有志則民之類異者有所
 觀法而起其銳礪藝文有志則士之染翰者有所考見
 以資其菁英其類分之下各有其故茲不悉具大都

學在紀往而意在開來無非爲後世計也以是知仁人
君子爲政於當時所以善天下立言於載籍所以澤後
世留心於史於志也其用意良深遠哉帙旣就余乃漫
筆其概於首簡

余不佞自丙辰歲釋褐鉅野縣令甫入境而問志焉志則恣漫不可讀其可讀者又帝虎錯質以舊所親聞烏有也大愚不稱計所以修之者而未發也會比部公家居間以爲請余遂巡謝曰志吾志也吾事哉願與諸公共成之於是哀載籍稽掌故蒐隻字片語於殘碑斷簡之間復取所謂一統志通志兗州志諸書及接壤州縣者參閱之爲凡例者一爲卷者十冊者四於舊志則存者什伍而益者什七焉業已斌斌就緒矣屬比部公北上余亦隨蒙召北征方僅草創屬筆記未竣也旣而尼

鉅野縣志

呂序

有中更兵火之事又寄梓之未皇頃余始以南中巡視之暇得更寓目成帙遺方君刻之客有謂余曰公以經術用世覲簿書而操黃白之簡爲耳目之臣天下事固有千萬於此者抑且於鉅野釋負擔矣何有一志志土直耳而亟何爲也余悵然太息曰客何言哉何言哉余聞之按方輿者知嚮往旼譜牒者知世系邑之有志邑之方輿譜牒也庸可廢乎余又謂今之郡縣古之侯國也古者天子有史諸侯亦有史國有事則書之大書特書或不及書明爲其後嗣者繼書之亦大嚴重矣試觀今之所稱爲史者非司馬班掾耶其名曰史曰書

之乃陳壽於三國稱志然則志亦史也志可廢史可廢乎余不佞學不逮古人才識中下非必承明之述作而濫竽柱下之名何敢言史第世受春秋知春秋夫春秋之初亦史也吾夫子筆之遂爲惇典庸禮命德討辜之書而華袞斧鉞昭然而春肅然而秋錯舉之而四時之氣備焉所謂存王迹而繼詩亡者也乃吾夫子之說詩則尤可釋已曰詩可以觀嗟詩之旨亦闕博矣而概可觀之一言何居人情觀則與不觀則否觀則事父事君無之不可而鳥獸草木皆舉之矣今夫鉅野古武城地爲孔子過化之墟而春秋獲麟之鄉也有如志不備

文獻不足其曷以觀焉今其志行矣不能無挂漏無闕歸無亥豕然於古諸侯之所謂土地人民政事則釐然備也就其中所謂評騭爲敘贊者雖蹇淺乎然率本古昔驗當世參物情皆小有發明類若指掌大如丁魯敵詩別大小而差興亡若鐵炭之匹昂有效而可信者也豈分旂列而一邑之大觀備矣令邑人讀之有不仰而思頰而嘆蹶然而興起爲忠臣爲孝子爲魁人傑士者非夫也又竊以小徵大以大徵小卽比之里巷歌謠可備採納狂瞽之談可贊邦理卽以通之於史依附於經可矣此不佞之所以成之遲而圖之亟者也不則余於

鉅野且有武侯不備之譏而何以釋負擔哉昔宋廢春秋而王安石爲三不足之說曰天變不足畏人言不足恤祖宗之法不足守而國脈隨之天下其何賴焉咄經可廢志於何有廼子朱子簿同安則下車而問志不知當時所以修之者何如以今度之當必亟加點定成家言如綱目之繼獲麟而作者無疑也嗟知此可以語志矣比部公今爲鳳陽守於余爲同姓以毛萇詩起家而敦宿春秋亡論考異如董斷獄如雋癖如杜元凱其諸所著作皆鑿鑿不可易置雖謂呂氏春秋可也以故與余意合而田生其友也方君名家子以經術起家者鉅野縣志

呂序

三

於余爲新令尹故以此告之以共圖不朽乃知我罪我無問矣客傲悅避席曰公之言志者大矣遠矣吾小子何敢與知因次其語爲志序

舊志序 天啟癸亥

鉅野縣 方時化

化導者聖人道濟之所不容已史者聖人化導之所託
寰宇郡邑志者館閣修史之所須是以志書亦守土之
有事而志浩汗牛訛繁三豕以時纂述是用急焉然而
纂已難矣椽筆之難難在獨又茂必其衆符大公之難
難在衆又茂勝其獨任所以名志之鮮更鮮於名史正
有錄也鉅野邑大夫呂公以卓異擢南臺嘗有纂述貽
掌記以續紹則庚寅而前溯無算庚寅而後歷載凡三
十有餘以隳括則方輿而下閱者大者具臚列藝文而
衷巨細不遺以取裁業衷舊編而得其體要以芟削潤

鉅野縣志

方序

一

色殆恍然披雲霧而見天惟公也績茂麟郊爲後先之
輝暎故志彷彿麟筆垂述作之明徵公於是地蓋台衡發
朝斯舉亦旂常開先也歟公書成以辛酉召選行間爰
梓未及是在嗣任而嗣任趙公入境卽兵火實竟歲畢
力營全鉅之大功亦未幾輒召選總之適以倥偬間無
遑也是及不佞始受從事或者以梓旣癸亥當請續以
壬戌不佞敬對曰然斯呂公手正成帙奚容代大匠斷
也且也壬戌擇定之勳懋非可以草率附需後圖遂從
掌記原稿付剞劂事竣聊弁斯語見一時之端委云